

Whakamātautau Whaiaro Whakamātautanga Waha Whare

Kia ora

E tuhi atu ana mātou ki a koe mō tētahi mātai e tirotiro ana i tētahi **whakamātautau whakamātautanga waha whare tangata hou** (he rerekē tēnei mai i te whakamātautau okoi noa) ka taea noatia e koe ake **te mahi i te kāinga, i te rūma horoi rānei i tētahi whare rata**. E kīia ana he whakamātautau whaiaro HPV (human papillomavirus) tēnei mō te whakamātautanga waha whare tangata.

Tēnei te tono ki a koe kia whakauru mai koe ki te mātai, kia mōhio ai mēnā e pai ana ki ngā wāhine te mahi i te whakamātautau hou. Kāore he utu o te whakamātautau, me ngā whakamātautau whai ake, i roto i te mātai.

E mōhio ana mātou kāore ētahi wāhine e whiwhi i ā rātou okoi auau i ia toru tau. He nui ngā take i pēnei ai. Ka manawarau ētahi wāhine mō ngā okoi, ā, he whakamā ētahi atu wāhine mō te whiwhi okoi. Ka mahia e ngā wāhine ake te whakamātautau hou mā te whakamahi pani wūru miro.

Kei te mahi tahi tō nēhi mātai me Te Kunenga ki Pūrehuroa me Te Toka Tūmai me Te Poari Hauora ā-Rohe o Te Waitematā i roto i tēnei mātai.

He pēhea te mahi a tēnei mahi?

Ka whakaurua ngā wāhine i roto i tēnei mātai ki tētahi o ngā rōpū e toru, ā, ka tonoa rātou ki tētahi o ēnei rōpū:

- Me kuhu mai me te mahi i te whakamātautau whaiaro i roto i te whare rata (Rōpū 1)
- Ka tukuna atu he kete ki a koe kia mahia te whakamātautau whaiaro i te kāinga (Rōpū 2)
- Te mahi i te whakamātautau okoi noa (Rōpū 3).

Ka taea anō e au te kōwhiri ko tēhea te rōpū e hiahia ana ahau?

Kāo, ka whakaurua matapōkeretia ngā wāhine ki tētahi o ngā rōpū mātai. He maha atu anō ngā wāhine kei te tonoa ki te whakauru mai ki ngā rōpū whakamātautau whaiaro (Ngā Rōpū 1 me te 2) tēnā i te mahi i te okoi noa (Rōpū 3).

Ka aha a muri ake?

Hei te rua wiki pea, ka whiwhi koe i tētahi reta mai i a mātou me ngā whakamārama atu anō. Mēnā kei roto koe i te rōpū whakamātautau (Rōpū 2), ka whiwhi anō koe i tētahi kete whakamātautau i roto i te mēra. Mēnā kei roto koe i te rōpū whakamātautau whaiaro i te whare rata (Rōpū 1), te rōpū okoi noa (Rōpū 3), ka whiwhi koe i tētahi reta e whakamōhio atu ana i a koe mō tēnei.

Me pēhea taku whakauru ki te mātai?

Mēnā e hiahia ana koe ki te whakauru mai kāore he mahi atu anō māu i tēnei wā. Kei a koe ake te tikanga mō te whakauru mai. Mēnā kāore koe i te hiahia kia whakapā atu te mātai ki a koe, me whakapā atu ki te Nēhi Mātai, a Jane Grant:

Jane Grant, Nēhi Mātai

Waea 021 195 3439

hpvstudy@waitematadhb.govt.nz

Mēnā he pātai anō āu me waea/patowaea rānei ki te Nēhi Mātai. Ka taea anō e koe ngā ataata mō te mātai te mātakitaki i: XXXXX

He mea nui ki a mātou te whai i ō taipitopito whakapā tika, nō reira me whakamōhio mai mēnā kua rerekē tērā.

Ngā mihi

Te Rōpū Rangahau Whakamātautau-whaiaro HPV Whakamātautanga Waha Whare Tangata

